

MESTER REFORMA SISTEMA DI CONCURSONAN DI CARNAVAL

ORANJESTAD(AAN):----
Diamars anochi a keda demostra un biaha mas cu mester bay back cu concurso di preclasificacion di tumba pa un club, manera e tabata e añanan cu a pasa of bay back pa un anochi.

Por a ripara claramente cu e aña aki e cantidad di participantenan a baha bao di 40 y te hasta bao di 30.

E prome anochi tabata un anochi cu e poco publico presente no a disfruta di dje manera custumber y e musiconan y cantantenan no a participa cu nan entusiasmo di custumber tampoco.

Ta conoci cu pa preclasificacion sa tin poco publico, pero den un club (club Caiquetio ultimo añanan), e poco publico te dilanti, sinta y para ta biba cu e cantantenan y gruponan musical sin importa ta cual nan ta aunke nan tin nan propio favoritonan, y e participantenan mes ta goza e anochi aunke cu poco publico.

Por a ripara diamars anochi cu hendenan di SAC mes a cuminza duda den preclasificacion pa Entertainment Center.

Otro aña ta cumpli 40 aña di carnaval, y lo ta bon pa SAC cuminza haci preparacionnan asina cu carnaval 39 ta tras di lomba.

Mester cuminza organiza e eventonan di concurso principalmente Calypso y Roadmarch y di tumba. Mester stipula fecha of fechanan despues cu SAC ricibi lista di participantenan pa stipula si ta den un of ta den 3 anochi ta organiza e concurso.

Mirando e cantidad di e aña aki por a wel organiza e concurso riba un anochi, mirando

cu a cuminza na ora y cu a dura 2 ora pa presenta 5 agrupacion y 11 cantante y ainda por a organiza 2 pa 3 ora mas acerca pa termina cu 10 te 12 agrupacion y 30 cantante en total, den un anochi di fin di siman.

Pero pa stipula tur esaki, e agrupacionnan musical y cantantenan tambe mester duna nan contribucion, y mustra bon voluntad, preparando nan tumba du-

rante aña y no warda te na ultimo y bin cu excusa cu tempo ta cortico.

SAC mester pone fecha pa inscripcion di antemano pa e

gruponan inscribi pa sa cuanto agrupacion y cuanto cantante tin en total(y no acepta ningun mas despues di e fecha ey), organiza e ano-

chi(nan) segun e cantidad di participante y cu suficiente

tempo pa e preparacionnan final por tuma lugar.